

## MAHMUD ZAMAXSHARIY PEDAGOGIK QARASHLARI TIZIMIDA UMUMINSONIY G'YOYALARNING O'RNI

**Manzura Azadovna Raxmedova**

Urganch davlat universiteti tayanch doktoranti

### ANNOTATSIYA

Ushbu maqolada Mahmud Zamakhshariyning tarbiyaga oid asarlarida umuminsoniy qadriyatlarning o'ziga xos talqini va bu talqinning xususiyatlari masalasi tahlil qilinadi. Allomaning asarlaridagi irfon va islom ma'rifati bilan bog'liq jihatlarning umuminsoniy qadriyatlar bilan bog'liq aloqadorligi ko'rib chiqiladi. Bundan tashqari maqolada muallifning masalaga doir shaxsiy nuqtai nazari ham keltirib o'tiladi.

**Kalit so'zlar:** Kalom, mutasavvuf, tafsiz, maqomot, Nozik iboralar, pand-nasixat, o'git, umuminsoniy qadriyatlar.

### THE ROLE OF UNIVERSAL IDEAS IN THE SYSTEM OF MAHMUD ZAMAKSHARI'S PEDAGOGICAL VIEWS

### ABSTRACT

This article analyzes the unique interpretation of universal values and the characteristics of this interpretation in Mahmud Zamakhshari's works on education. The connection of aspects related to gnosis and Islamic enlightenment in Alloma's works with universal human values is considered. In addition, the author's personal point of view on the issue is mentioned in the article.

**Keywords:** Kalam, mysticism, tafsiz, maqamot, delicate expressions, advice, instruction, universal values.

### KIRISH

O'rta asrlarda islom diyorimiz rivojlanishining asosiy omillaridan bo'lib turgan bir davrda, muqaddas va jannatmakon diyorimizda dunyo ahliga taniqli, ma'lum va mashxur bo'lgan yetuk allomalar faoliyat olib borib, yashab o'tkanligi hammamizga ma'lum. Ular kabi ensklopedik olimlarning buyuk mehnatlari ilm-ma'rifat yo'lidagi mehnati qadr-qimmatlidir. Bu buyuk qomusiy olim va allomalarimiz yaratgan ko'plab asarlari bilan vatanimiz nomini ko'klarga ko'tarish bilan birgalikda bugungi yosh avlodni tarbiyalash uchun bitmas xazina meros qilib ketganlar. Yurtimizni ilm ma'rifat markaziga

aylantirishdi, dunyo hamjamiyatining ilmning turli-tuman sohalari bo'yicha rivojlanishiga ham katta hissa qo'shishgan.

## METOD VA METODOLOGIYA

Ulug' Xorazm diyorida ham qadimdan dunyo ilm-fani va madaniyati taraqqiyotiga o'zlarining ulkan hissasini qo'shgan, ilm-fanning har xil sohalarida samarali faoliyat ko'rsatgan, ijod qilgan, dovrug'i butun olamga tarqalgan Muso Al Xorazmiy, Abu Rayxon Beruniy kabi ko'plab buyuk qomusiy siymolarimiz yetishib chiqqan. Bu yurtda tavallud topgan va faoliyat olib borib yurtni nomini ulug' qilgan insonlar qatorida Abul Qosim Maxmud az Zamaxshariyning ismi ham o'rinni oлган. Alloma hijriy 467-sana rajab oyi (milodiy hisobda 1075-yilning 19-martida) Xorazmnинг Zamaxsharida tavallud topgan. Buyuk allomamiz Zamaxshariyning oilasi o'rta hol bo'lganlar, ya'ni otasi unchalik badavlat bo'lmasa-da, o'z davrining savodli, ancha taqvodor, diyonatli kishisi bo'lgan. Aksar vaqtini Qur'oni karim tilovati-yu, toat ibodat bilan o'tkazgan. Zamaxshardagi bir masjidda imomlik ham qilgan. U xulq atvori yaxshi, shirin suxan va g'oyatda muruvvatli kishi bo'lgan. Bu fazilati bilan el orasida katta obro'-e'tibor topgan. Uning onasi ham taqvodor va diyonatli ayollardan hisoblangan. Bunga qo'shimcha nazmiy asarlaridan birida ota-onasi, oila a'zolaridan birortasi ham na sharobu, na boshqa ichimlikni mutlaqo iste'mol qilmaganini alohida ta'kidlashi ham bu fikrimizni yanada oydinlashtiradi.

## TAHLIL

Zamaxshariy ilm-fanning turli soxalari bilan qiziqib, o'z tengqurlari orasida zo'r qobiliyati va katta iste'dodini namoyon qila boshlaydi. Madrasada o'qiladigan ilmlarni, ayniqsa, arab tili va adabiyoti, diniy ilmlar majmuasini to'liq egallaydi. Shu bilan bir qatorda o'sha davrda ilm ahllari orasida muhim hisoblangan hattotlik san'ati siru asrorlarini ham mukammal o'zlashtirib oladi. Maxmud Zamaxshariy bizga ulkan ilmiy meros qoldirgan. Hozirga qadar olim qalamiga mansub 66 ta asar borligi aniqlangan. Allomaning eng mashhur asarlari sifatida Al-Keshshaf'an Haka'iki t-tanzil, "Kitobul-Mufassal", "Al-Mufred ve'l-mü'ellef fi'n-nahv", Mukaddimetü'l-adeb, Asâsü'l-balag'a (arabcha mumtoz so'zlarning majoziy san'ati va lafzi bilan bog'liq), Kitobul-foik (Garibul-hadis ilmiga mansub asar), Kitâbu'l-amkina val-jibal val-miyah (Geografiya lug'ati), Maqamat (Adabiy nutqlar), Al-Mustakshâ fi'l-amsal (Qadimgi arab maqollariga mansub), Atfaku'z-zahab (Aforizmlar), Shomimul-'arabiya (arabcha jumlalar bilimiga mansub), Mutesâbihetü'l-esmo (Hadis ilmida o'xshash so'zlar ustida yozilgan asar), Muhtasarü'l-muvafaka bayna'l-bayt vaş-shahaba. (Hadis bilan bog'liq),

Navâbügü'l-Keli, Devon (uning she'rlari jamlangan kitob)<sup>1</sup> larni sanash mumkin.larni keltirish mumkin.

Zamaxshariy yashagan davrda hokimiyatdagi Saljuqiylar sultoni Muhammad Ibn Abu-l-Fatx Malikshohning nazariga tushgan olim undan ko'p saxovatlarni ko'radi. Uning adolatliligi, go'zal xulq-atvori va jasurligi bilan mashxur edi. "Zamaxshariy sultonning ushbu fazilatlari va xayrli ishlariga bag'ishlab madhiyalar yozadi. Shundan keyin ham az-Zamaxshariy ijodida podshohu hukmdorlarga madhiyalar yozish asosiy o'rinni egallaydi..."<sup>2</sup>

Zamaxshariyning tarixiy shaxs sifatida zamondoshlarining e'tirof va e'tiboriga tushgan olim deyishimiz mumkin. Mashxur tarixchi Ibn al-Kiftiy u haqda bunday degan edi : "Xudo raxmat qilgur az-Zaaxshariy ilmul adab, naxv va lug'at bobida o'zgalarga misol bo'ladigan alloma edi. U o'z hayoti davomida ko'plab buyuk olimlar va fozillar bilan uchrashgan bo'lib, tafsir, hadis, nahv va boshqa sohalar bo'yicha bir qancha asarlari bor. U o'z asrida arab tilida ijod qilgan ajamlilar orasida eng buyugidir."<sup>3</sup> Ilm pog'onalaridan birin-ketin ko'tarilib borgan Zamaxshariy ijodining eng cho'qqisida o'z shogirdlariga pand-nasizatlar yozish bilan shug'ullanadi. Chunki, "o'z davrining yirik olimi darajasiga ko'tarilgan az-Zamaxshariyning Xorazmda ham, Sharqning boshqa ko'pgina shaharlarida ham ko'pdan-ko'p shogirdlari bo'lган, alloma ko'p vaqtini o'shalarga bag'ishlardi"<sup>4</sup>.

Olimlarning ta'kidlashicha, "U juda kuchli madrasa ta'limini oldi va juda qisqa vaqt ichida, ayniqsa, diniy ilmlarda katta obro'-e'tibor qozondi. U yozgan "Al-Kashshaf" nomli tafsir kitobi nafaqat Xorazmda, balki boshqa joylarda ham ko'p murojaat qilingan manbalardan biri bo'lган. Bu buyuk asarni arab tilida yozgan Zamaxshariy o'z uslubining ajoyib qimmati tufayli bu adabiyotning buyuk asarlaridan birini arab adabiyotiga olib keldi"<sup>5</sup>.

Bundan tashqari, uning ijodida umuminsoniy g'oyalar e'tirofiga, ularning insoniyatning yorug' kunlarda yashashidagi o'rni haqida asarlar ham bitadi. Bu asarlar asosan hukmdorlarga madhiyalar ko'rinishida bo'lib, u bu madhiyalar orqali o'lmas g'oyalarni hukmronlarga maqtovlar asnosida o'z asarlarida keltirib boradi. "...xorazmshoh Muhammad ibn Anushtagin (hij 490-521) bilan yaqindan tanishib, unga bag'ishlab madhiyalar yozadi. "Muqaddimat ul adab" nomli yirik asarida

<sup>1</sup> Nuri Yüce, *Zemahşeri*, İslam Ansiklopedisi, C.13. İst. 1985, s.509-514.

<sup>2</sup> Abul Qosim Mahmud ibn Umar ibn Ahmad az Zamaxshariy, Nozik iboralar. –Toshkent: Kamalak, 1992. – B. 8.

<sup>3</sup> Abul Qosim Mahmud ibn Umar ibn Ahmad az Zamaxshariy, Nozik iboralar. –Toshkent: Kamalak, 1992. – B. 12.

<sup>4</sup> <https://kh-davron.uz/kutubxonasiislomiy-adabiyot/har-kunning-bir-hikmati-bor-zamaxshariy-hikmatlari.html>

<sup>5</sup> Aydin Taneri, *Türk Kavramının Gelişmesi*, Ankara Üniv. Türk İnkılâp Tarihi Enstitüsü Yayınları, Ankara, 1983, s.76. Hüseyin Akyüz, a.g.e. s.125.

sultonning o'g'li Xorazmsoh Otsizning (hij 521-551) ilm ahllari va adiblarga nisbatan g'amxo'rlogini alohida ta'kidlaydi”<sup>6</sup>

Zamaxshariy qalamiga mansub bo'lgan uning didaktik qarashlari, odobaxloqqa doir pand –nasixatlari jamlangan mashhur asarlari “Al-Kalim an - navobig” (Nozik iboralar) va Atvok uz-zahab” (Hikmatlar shodasi) deb nomlanadi. Bu asar “Nasriy saj uslubida yozilgan, asosan hikmatlar, nasixatlar va o'gitlar majmuasi bo'lib, xilma-xil mavzularni qamrab olgan”<sup>7</sup>

“Nozik iboralar” asari Zamaxshariy Makkada yashaganda yozilgan, uning qo'lyozmalaridan bittasi Bag'dodda Iroq Milliy muzeyida (563-raqamda), undan tashqari Berlinda (8676), Leydenda(891 va 92 raqamlarda) ham saqlanadi. Nasriy saj' uslubida yozilgan bu asar asosan hikmatlar, nasihat va o'gitlar majmuasi bo'lib, xilma-xil mavzularni qamrab olgan. Taniqli, arabshunos olim Ubaydulla Uvatovning keltirishlaricha, bu asar arab mamlakatlarida bir necha marta nashr qilingan. Asarning 1914 va 1927 yillardagi Qohira nashri, 1306 hijriy yili Bayrutda Muhammad al-Kistiy al-Bayrutiy tomonidan bajarilgan nashri uning dastlabki nashrlaridan hisoblanadi. Bundan tashqari professor Bahiyja Boqir al-Husniy tadqiq qilgan tanqidiy nashri esa 1971 yilda “al-Arab” nashriyotida bosilib chiqdi. Gollandiyalik olim Genrix Albert Shulteyn 1772 yilda az-Zamaxshariy asarini lotinchaga o'girdi. 1876 yilda esa fransiyalik sharqshunos Barbier Meynrad tomonidan bajarilgan tadqiqot asarning fransuzcha tarjimasi bilan chop etildi.

“Navobig‘ al-kalim” ga bir qancha sharhlar ham bitilgan bo'lib, “ulardan Samarqandda, Amir Temur saroyida xizmatda bo'lgan yirik alloma Sa'duddin at-Taftazoniyining “An-Ni'am as-savobig‘ fi sharh in-navobig” e'tiborga molikdir. Mazkur sharh 1286-hijriy yilda Qohirada chop etilgan”<sup>8</sup>.

Xorazmlik olim Abu-l-Hasan ibn Abdulvahob al-Xivaqiy yozgan sharhdan bir qo'lyozma nusxa Berlinda saqlanadi.

Mahmud Zamaxshariyning «Maqomat az-Zamaxshariy» asari haqida bat afsil ma'lumotga ega bo'lish uchun uning tarkibiy tahliliga nazar solsak, birinchi maqoma «Maqomat al-marashid» deb nomlangan. Bu maqomada az-Zamaxshariy yaxshilik va yomonlikni bir-biriga taqqoslaydi. Uning fikricha, “yaxshilik qancha bo'lsa ham oz. Yaxshilik insonni doimo o'ziga jalb qilaveradi, yomonlik ozgina bo'lsa ham, uning zarari katta, u xalokatga boshlaydi. Agar inson izzat-ikrom, obro'-e'tiborga erishishni

<sup>6</sup> Abul Qosim Mahmud ibn Umar ibn Ahmad az Zamaxshariy, Nozik iboralar. –Toshkent: Kamalak, 1992. – B. 9.

<sup>7</sup> Abul Qosim Mahmud ibn Umar ibn Ahmad az Zamaxshariy, Nozik iboralar. –Toshkent: Kamalak, 1992. – B. 14.

<sup>8</sup> Mahmud Az-Zamaxshariy's ideas about culture speech and oratory.  
<http://notiq.uz/archives/5407>

xoxlasa, faqat yaxshilik qilishi kerak. Inson hamisha ogoh bo'lishi, ogoh kishigina hidoyatga erishishi mumkin. Shuningdek, inson o'z nafsi jilovlashi kerak”<sup>9</sup>.

Zamaxshariyning nozik iboralariga nazar tashlasak va ularni chuqurroq tahlil qilsak uning didaktik mohiyati, yoshlar tarbiyasidagi ahamiyati va umuminosniy g'oyalarning o'ziga xos tarannumiga guvoh bo'lamiz. Masalan bu hikmatlarda asosiylar o'rinni ilmli bo'lishga intilish, adolat mezonlarini ushslashning ahamiyati, ota-onaga xurmatning insonda shakllangan bo'lishligi, insonda ilm va axloq muvozanatining ahamiyati, qanoatli bo'lishlik, ezgulikka xizmat qila olishlik, halollik va poklikni qadrlash kabi bir-biridan muhim bo'lgan umuminsoniy mohiyat kasb etgan g'oyalarning inson hayotidagi, uning ikki dunyo saodatiga erishishidagi ahamiyati masalasi tahlil qilinadi. Zamaxshariy ta'kidlashicha, “...insonga doimo ilmli, adabli, taqvodor bo'lishni, insonga eng mexribon ota-onasiga kabi yaqin bo'lishini uqtiradi. Ota-onasiga o'z farzandlariga doimo yaxshi niyat qilib, ularga ezgulik tilaganlari kabi, ilm, adab va taqvo insonga to'g'ri yo'lni ko'rsatadi”<sup>10</sup>. Bu mushohadalar didaktik jihatdan yoshlarni ota-onalar bilan munosabatlarini tashkil qilishda bugungi kunda ham o'z qiymatini yoq'otmagan desak mubolag'a bo'lmaydi. “Otaga nisbat boshqaga nisbatan shafliroq va mashxurroq, ya'ni falonchining o'g'li deb atalar, ammo, Ona esa doimo shavqatli va matlabliroqdir”<sup>11</sup>.

## NATIJA

Yana bir hikmatida alloma “...kulbangning teshigini yamash uchun ozgina narsa kifoya, qanoatpeshalik sen uchun yetarli dasmoyadir. Bas, odamlardan ta'magirlilikni uzib, Allohning fazlu karamidan umid qilishni to'xtatmagin. Vaxolanki, dunyoda o'z nafsiga qul, lazzat topish uchungina yashayotgan kimsalar ham borki, ularga qorin to'ysa bas, obro'sining to'kilishi uchun ahamiyatsiz narsadir. Faqat dunyo va mol yig'ishni maqsad qilib olgan surbet odamga uning bu sifati har tomonidan o'lja keltirar, yopiq eshiklarni ochar, xurmo va boshqa xushxur yemishlarni yedirar, dadil aytishga jasoratli qilar, qiyin ishlarni esa osonlashtirib berar”. Zamonaviy davrda ham yoshlarni qanoatli, sabrli jasoratli qilib tarbiyalashda, zamonaviy ma'naviy tarbiya konsepsiyasini ishlab chiqishda allomaning bu yondashuvi o'ta muhim ahamiyatga ega. Chunki, umuminsoniy qadriyat darajasiga ko'tarilgan sabrlilik, qanoatning

<sup>9</sup> Abbaz Turdibaev. "Buyuk allomamiz Maxmud az-Zamaxshariyning asarlarida yaxshilik, do'stlik, oila tarbiyasi va diniy fikrlari haqida" Science and Education, vol. 1, no. 2, 2020, pp. 410-418.

<sup>10</sup> Abbaz Turdibaev. "Buyuk allomamiz Maxmud az-Zamaxshariyning asarlarida yaxshilik, do'stlik, oila tarbiyasi va diniy fikrlari haqida" Science and Education, vol. 1, no. 2, 2020, pp. 410-418.

<sup>11</sup> Abul Qosim Mahmud ibn Umar ibn Ahmad az Zamaxshariy, Nozik iboralar. –Toshkent: Kamalak, 1992. – B. 17.

go'zal bo'lishligini biz allomalarimiz merosiga tayangan holda yoshlarimizga singdirsak ma'naviy targ'ibot ishlari ham samarali bo'ladi.

Insонning ilm-ma'fatga intilishi qadimdan ko'plab xalqlar tomonidan e'tirof qilib kelinayotgan umuminsoniy g'oyalardan biridir. Alloma ham bu xususda to'xtalib, "Yoki ilmli bo'l, yoki ilmga tayanib ish ko'radigan bo'l, loaqal ilmni tinglab eshitadigan bo'l, biroq to'rtinchisi bo'lma, chunki, kasodga uchrab halok bo'lasan"<sup>12</sup> deydi. Ya'ni insонning najoti ilm bilan bo'lsa uni falokati jaholatga yuz burish bilan ekanligini aytadi. Yana, u "Ilmli bo'lish bir baland toqqa chiqish kabi ko'p mashaqqatlidir, lekin undan tushish osondir, johilligu nodonlik bulog'i chuqr chashma misoli bo'lsada, biroq, u ko'p qiyinchilig-u azoblarga giriftor qiladi"<sup>13</sup> deydi.

Zamaxshariyning hikmatlarida insonga xos ezgu xislatlarni tizimli shakkantirish g'oyasi ham yaqqol namoyon bo'lib turadi. Ya'ni, "Qanoat eng xos narsang bo'lsin. Odamlardan tama qilishni kamaytir. Doimo Allohning fazli bilan bo'l"<sup>14</sup>. Bunda allomaning insonga xos bo'lgan eng muhim omillardan biri bu qanoat ekanligi va bu barkamol insonni bir belgisi ham ekanligi ta'kidlab o'tiladi.

Insoniyat ming yillardirki ezgulik, ezgulikka intilish, konstruktiv g'oyalarni ustunligini tan olib kelmoqda. Alloma ham shu ma'noda "Avval qilib kelgan xayrligu ezguliklariningizga keyin ham ezgulik qo'shavering, chunonchi, qushning qanotidagi kichik patlar ham katta patlariga madadkordir"<sup>15</sup> deydi. Ya'ni inson faqat ezgulik bilan kamol topishi mumkin degan g'oyani ilgari suradi.

Yana Zamaxshariy yaxshi xulqlar haqida to'xtalib, "Ne'matlar uzoqlashganda ular shabada bo'lib ne'matlarni sen tomon haydaydi, chorlaydi. Azobu uqubatlar to'p-to'p bo'lib yopirilganda, ularni sendan uzoqqa quvadi, haydaydi"<sup>16</sup>. "Halol-pokiza kishi doimo xotirjamu tinchlikdadir, birovga xiyonatu yomonlik qiladigan kishi esa halokatga giriftordir"<sup>17</sup> deydi.

Allomaning ta'kidlashicha, inson doimo ilm olishi, har qanday ishni aql, idrok, faxmu farosat, shariatga, payg'ambar alayxissalom ta'lifotlariga muvofiq amalga oshirishi lozimligini ta'kidlaydi. U jamiyatdagi riyokorlik, poraxo'rlik, isrofgarchilik, fisqu-fasod, baxillik kabi barcha salbiy illatlarni qoralaydi va ularni doimo yo'qotish,

<sup>12</sup> Abul Qosim Mahmud ibn Umar ibn Ahmad az Zamaxshariy, Nozik iboralar. –Toshkent: Kamalak, 1992. – B. 17.

<sup>13</sup> Abul Qosim Mahmud ibn Umar ibn Ahmad az Zamaxshariy, Nozik iboralar. –Toshkent: Kamalak, 1992. – B. 31.

<sup>14</sup> Fozil Zohid. Zamaxshar tasbexi. –Toshkent: Muharrir, 2011. – B.30.

<sup>15</sup> Abul Qosim Mahmud ibn Umar ibn Ahmad az Zamaxshariy, Nozik iboralar. –Toshkent: Kamalak, 1992. – B. 18.

<sup>16</sup> Fozil Zohid. Zamaxshar tasbexi. –Toshkent: Muharrir, 2011. – B.40.

<sup>17</sup> Abul Qosim Mahmud ibn Umar ibn Ahmad az Zamaxshariy, Nozik iboralar. –Toshkent: Kamalak, 1992. – B. 20.

tuzatish zarurligini uqtiradi. Allomamizning mehnatsevarligi, uning ilmga bo'lgan qiziqishlari oqibatida musulmon olamida mashhur bo'lib ketadi.

## XULOSA

Xulosa qilib aytganda, bu allomani serqirra mutafakkir ekanligini ta'kidlamoqchimiz. Chunki ko'plab tadqiqotchilar "U tilshunos edi, mufassir edi, notiq edi shuning uchun bu masalalarga birlamchi e'tibor qaratish kerak", deb aytishlari mumkin. Bularni inkor qilmagan holda Zamaxshariyni biz millat tarbiyachisi va yosh avlodni tarbiyalashga xizmat qiladigan ,ularni ma'naviy yetuk qilib tarbiyalashga xizmat qiladigan pedagogik qarashlarni ilgari surgan shaxs deb tushunishimiz lozim deb hisoblaymz. Shuning uchun ham ma'naviy merosimiz namunasi bo'lgan bu kabi asarlarni va tafakkur tariximizni har tomonlama o'rghanishimiz, tadqiq qilishimiz kerak, deymiz. Shu orqali, bu tarzda amalga oshirilishi mumkin bo'lgan tadqiqotlar natijasida tarixiy manbalarni didaktik mohiyatini yanda chuqurroq o'rghanishimiz mumkin.

Zamaxshariy bo'yicha olib borgan bu tor tadqiqotimiz faqat muallifning didaktik qarashlarini ko'rib chiqishga qaratilgan. Bunday tadqiqotda uni to'liq tanishtirish va ma'lum bir joyga joylashtirish mumkin emas. Jiddiy, keng qamrovli va chuqur izlanishlar kerak.

## REFERENCES

1. Nuri Yüce, Zemahşeri, İslam Ansiklopedisi, C.13. İst. 1985, s.509-514.
2. Abul Qosim Mahmud ibn Umar ibn Ahmad az Zamaxshariy, Nozik iboralar. – Toshkent: Kamalak, 1992. – B. 8.
3. <https://kh-davron.uz/kutubxona/islomiy-adabiyot/har-kunning-bir-hikmati-bor-zamaxshariy-hikmatlari.html>
4. Aydin Taneri, *Türk Kavramının Gelişmesi*, Ankara Üniv. Türk İnkılâp Tarihi Enstitüsü Yayınları, Ankara, 1983, s.76. Hüseyin Akyüz, a.g.e. s.125.
5. Abbaz Turdibaev. "Buyuk allomamiz Maxmud az-Zamaxshariyning asarlarida yaxshilik, do'stlik, oila tarbiyasi va diniy fikrlari haqida" Science and Education, vol. 1, no. 2, 2020, pp. 410-418.
6. Fozil Zohid. Zamaxshar tasbexi. –Toshkent: Muharrir, 2011. – B.30.